

Broj: 05-02-5-9553/24

Sarajevo, 29.11.2024. godine

PARLAMENT FEDERACIJE BOSNE I HERCEGOVINE  
DOM NARODA

n/p Sekretara

**PREDMET:** Odgovor na delegatsko pitanje, dostavlja se

**VEZA:** Vaš akt broj: 05/2-02-608/24, od 18.11.2024. godine

Bosna i Hercegovina  
Federacija Bosne i Hercegovine  
**PARLAMENTI FEDERACIJE**  
SARAJEVO

Primijeno: 13-01-2025			
Org. jed.	Broj	Priloga	Vrijednost
05/2	-02-	608	124

Poštovani,

Federalno ministarstvo finansija, zaprimilo je Vaš akt, pod brojem i datumom veze, u čijem prilogu je dostavljeno delegatsko pitanje, postavljeno od strane uvaženog delegata g-dina Emira Begića, na 14. sjednici Doma naroda Parlamenta Federacije Bosne i Hercegovine, održanoj 14.11.2024. godine.

Uvaženi delegat traži odgovor na pitanje, na osnovu čega, odnosno kojeg kriterija je izvršena projekcija indirektnih poreza po kojem je Gradu Lukavac umanjen koeficijent raspodjele sa 1,882 u 2023. godini na 1,632 za 2024. godinu i naredne godine (procentualno umanjenje 13,28%).

### ODGOVOR

Prije svega, Federalno ministarstvo finansija mora izvršiti ispravku navoda uvaženog delegata, da se radi o umanjenju učešća u 2024. godini u odnosu na 2023. godinu, obzirom da je riječ o umanjenju učešća Grada Lukavac u prihodima od indirektnih poreza za 2025. godinu na 1,632%, u odnosu na trenutno učešće u 2024. godini od 1,882%.

Prilikom izrade Uputstva o određivanju učešća kantona, jedinica lokalne samouprave i nadležnih kantonalnih ustanova za ceste u prihodima od indirektnih poreza i načinu raspoređivanja tih prihoda za 2025. godinu, **indeks razvijenosti Grada Lukavac, izračunat u skladu sa odredbama Zakona o pripadnosti javnih prihoda u Federaciji Bosne i Hercegovine („Službene novine Federacije BiH”, br. 22/06, 43/08, 22/09, 35/14, 94/15 i 17/22 – u daljem tekstu: Zakon)**, pokazao je da odnos prihoda od poreza na promet i poreza na dohodak Grada Lukavac sa prosječnim federalnim prihodom od tih poreza po stanovniku, a na osnovu historijskih podataka o porezu na promet i podataka o naplaćenim prihodima od poreza na dohodak u 2023. godini, koji se koriste za izračun učešća za 2025. godinu, **prelazi 80% od prosjeka Federacije**. Shodno tome, **kod izračuna učešća za 2025. godinu nije ispunjen kriterij za dodjelu koeficijenta 1,2 po osnovu indeksa razvijenosti**.

Imajući u vidu da se, shodno odredbama Zakona, 7% ukupnih prihoda koji pripadaju jedinicama lokalne samouprave raspodjeljuje na osnovu nivoa razvijenosti općina, definisanog kroz indeks razvijenosti, „gubitak“ koeficijenta 1,2 po osnovu indeksa razvijenosti doveo je do značajnijeg pada učešća Grada Lukavac u raspodjeli prihoda od indirektnih poreza za 2025. godinu.

Prema statističkim podacima, naplata poreza na dohodak od strane obveznika sa područja Grada Lukavac u 2023. godini porasla je za 26,71% ili za 2.930.346,94 KM u odnosu na naplatu zabilježenu u 2022. godini, a što je utjecalo na prednje navedeni rezultat prilikom izračuna indeksa razvijenosti kod Uputstva za 2025. godinu.

Ovim putem još jednom **ističemo, da se izračun učešća u raspodjeli prihoda od indirektnih poreza vrši isključivo u skladu sa kriterijima propisanim Zakonom.**

S poštovanjem,

